

UGOVOR O JAVNOJ NABAVCI RADOVA

UGOVORNE STRANE:

1/ Bosna i Hercegovina, Federacija Bosne i Hercegovine, Kanton Sarajevo, Općina Hadžići /u daljem tekstu Naručioc i sufinansijer/, koju zastupa Općinski načelnik Hamdo Ejubović dipl.ing.maš.

2/ Bosna i Hercegovina, Federacija Bosne i Hercegovine, Kanton Sarajevo, Direkcija za puteve Kantona Sarajevo, /u daljem tekstu Naručioc i sufinansijer/, zastupana po Kovač Selmiru dipl. ing. saobr.

3/"MUŠINBEGOVIĆ GRADNJA" D.O.O. VISOKO (u daljem tekstu: Izvođač radova), sa sjedištem u Visokom, Muhašinović b.b. ID br.4218859910009, koje zastupa Prokurist Elma Ferhatović.

Ovaj ugovor zaključuje se nakon provedenog postupka Javne nabavke putem otvorenog postupka javne nabavke, u skladu sa članom 3. Stav 2. Okvirnog sporazuma broj:08-11-8-6995-11/21, od 22.10.2021. godine, zaključenog između naručioca i sufinansijera Općina Hadžići i Direkcija za puteve Kantona Sarajevo, s jedne strane i Izvođača radova, s druge strane.

Član 1.

Predmet ovog ugovora čini izvođenje 1 faze radova na rehabilitaciji puta u naselju Grivići, Općina Hadžići, na osnovu člana VI Sporazuma o zajedničkom pokretanju javne nabavke radova- radova na rehabilitaciji u naselju Grivići, Hadžići, u svemu prema predmjeru radova koji čini sastavni dio ovog Ugovora, predmetnoj tenderskoj dokumentaciji, te iskazanim cijenama u odabranoj ponudi izvođača radova broj:08-11-8-6995-7/21 od 08.10.2021. godine.

Član 2.

Ugovorena vrijednost predmetnih radova iznosi:

- bez uračunatog PDV-a, iznosi 234.000,00 KM,
- sa uračunatim PDV-om, iznosi 273.780,00 KM,

Član 3.

Ugovorena cijena i uslovi utvrđeni u predmetnoj tenderskoj dokumentaciji ne mogu se mijenjati.

Član 4.

Plaćanje izvedenih radova izvršit će se bez avansa, na osnovu privremenih i okončane situacije, potpisanih i ovjerenih od strane Izvođača, Naručioca i sufinansijera i Nadzornog organa, prema stvarno izvedenim količinama, u skladu sa cijenama iz ponude, u roku od 15 /petnaest/ dana od dana dostave situacija.

U slučaju da ugovorena vrijednost radova bude veća od planiranog iznosa, te u slučaju da se prilikom realizacije ugovora pojavi potreba za nepredviđenim ili naknadnim radovima ili bilo koje drugo povećanje osnovne ugovorene cijene, razlika će se finansirati iz budžeta općine.

U slučaju finansijskih obaveza koje su nastale isključivom krivicom, odnosno činjenjem ili nečinjenjem ugovornih organa koje je protivno pozitivnim zakonskim i podzakonskim propisima ili zaključenim ugovorom, obaveza plaćanja takve finansijske obaveze pada na teret ugovornog organa koji je svojim postupanjem doveo do nastanka takve finansijske obaveze.

Iznos za uplatu iskazan u okončanoj situaciji, na ime izvedenih radova, ne može biti manji od 20%, u odnosu na ugovorenu vrijednost iz člana 2. ovog ugovora.

Član 5.

Plaćanje po okončanoj situaciji izvršit će se nakon primopredaje predmetnih radova između Izvođača radova, s jedne strane i predstavnika Nadzornog organa i predstavnika Naručioca i sufinansijera -

Koordinatora na realizaciji ovog ugovora, s druge strane, o čemu će se sačiniti i odgovarajući Zapisnik o primopredaji radova, prethodno pregledanih i odobrenih od strane Nadzornog organa.

Primopredaja predmetnih radova smatrat će se uspješno obavljenom ako u Zapisniku o primopredaji nema uslovnih primjedbi na izvedene radove. U slučaju primjedbi na izvedene radove i potrebe otklanjanja nedostataka Izvođaču će biti dat primjeren rok za otklanjanje istih, ovisno o složenosti i vrsti radova.

Član 6.

Izvođača radova je dužan da, nakon potpisivanja ovog ugovora, a prije uvođenja u posao, Naručiocima i sufinansijerima i Nadzornom organu dostavi prijedlog dinamike izvođenja radova na saglasnost, koja treba obezbjediti kontinuitet gradnje, na temelju preuzetih obaveza iz zaključenog ugovora.

Dinamika izvođenja radova treba biti usaglašena sa ugovorenim rokom, te se Izvođač obavezuje poštivati rokove iz dostavljene dinamike.

Član 7.

Ugovoreni rok za predmetne radove iznosi 90 dana, računajući od dana uvođenja u posao.

Uvođenje izvođača radova u posao izvršit će se putem Nadzornog organa, u roku od 10 /deset/ dana, računajući od dana zaključivanja ovog ugovora.

Ukoliko se Izvođač ne odazove pozivu Nadzornog organa za uvođenje u posao smatrat će se da je isti odustao od predmetnog ugovora, te će se ugovor dodijeliti drugorangiranom ponuđaču u ovom postupku javne nabavke.

Član 8.

Nadzor nad izvođenjem predmetnih radova vršit će Zavod za izgradnju Kantona Sarajevo.

Imenovani nadzorni organ je dužan vršiti stalne konsultacije sa Naručiocima i sufinansijerima u vezi svih važnih pitanja vezanih za realizaciju ugovora, a posebno pitanja ugradnje odgovarajućih materijala, ispunjavanja rokova dinamike izvođenja radova i poštivanja ponuđenih količina iz ponude.

Nadzorni organ obavezan je i da:

- provjeri i utvrdi da li se gradi u skladu sa odobrenjem za predmetnu gradnju, tehničkom dokumentacijom i važećim Zakonom o prostornom uređenju Kantona Sarajevo,
- provjeri i utvrdi da li je kvalitet izvedenih radova, ugrađenih materijala i opreme u skladu sa zahtjevima iz projekta.

Član 9.

U cilju obezbjeđenja kontinuiteta i stalnog praćenja realizacije predmetne nabavke i ispunjavanja preuzetih obaveza iz ovog ugovora, u ime Naručioca i sufinansijera, praćenje realizacije predmetnog ugovora vršit će imenovani Koordinator na realizaciji ovog ugovora, koji će se posebnim rješenjem odrediti.

Član 10.

Izvođač radova se obavezuje da će:

- radove izvesti stručno i kvalitetno, u skladu sa ugovornim obavezama, važećim građevinskim propisima i standardima, te propisanim općim ugovornim uslovima,
- u toku izvođenja radova voditi građevinski dnevnik u skladu sa Uredbom o uređenju gradilišta, obaveznoj dokumentaciji na gradilištu i sudionicima u građenju /"Sl. Novine F BiH" br. 48/09, 75/09, 93/12, 74/13, 89/1499/14, 53/15 i 101/15/,
- po okončanju radova, sačiniti i sufinansijerima i naručiocima dostaviti Izvještaj o izvedenim radovima, s tehničkog i finansijskog aspekta.

Izvođač radova se obavezuje da će nakon okončanja radova, u roku od sedam dana, pismenim putem zatražiti primopredaju radova, za koju će obezbjediti građevinsku knjigu, građevinski dnevnik, pisani izvještaj nadzora nad građenjem i sve dokaze o kvalitetu radova, ugrađenih materijala i opreme vezanih za građevinu.

Osim navedenog izvođač se posebno obavezuje da:

- radove izvede prema tehničkim mjerama, propisima, normativima i standardima vezanim za građenje,
- ugrađuje materijal, opremu i elemente koji odgovaraju standardima, odnosno koji posjeduje ateste /potvrdu kvaliteta/ izdate od strane nadležnog organa, registrovanog za ispitivanje materijala,
- će osigurati dokaze o kvalitetu radova, ugrađenih materijala i opreme,
- će sprovesti mjere tehničke zaštite na radu,
- će obezbijediti sigurnost i zaštitu ljudi, objekata i stvari za vrijeme izvođenja radova,
- će prilikom izvođenja radova poduzeti sve mjere u cilju izbjegavanja nanošenja štete ili ometanja trećih lica,
- će tokom izvođenja radova o svom trošku svakodnevno odvoziti građevinski materijal i održavati čist prostor u i oko prostora izvođenja radova.

Član 11.

Izvođač se dužan pridržavati ugovorenog roka, navedenog u članu 7. ovog ugovora.

Moguće je produženje ugovorenog roka samo u sljedećim slučajevima:

- nepogodni vremenski uslovi /snježne padavine, kišne padavine, hladnoće i sl./
- usljed više sile /vanredni vanjski događaji, ili prirodni događaji kao što su poplave, potresi i dr./,
- ljudske radnje koje se nisu mogle predvidjeti, izbjeći ili ukloniti,
- mjere predviđene organima nadležnih tijela.

Produženje roka izvođenja predmetnih radova trajat će onoliko dana koliko je trajala neka od opisanih smetnji, uzimajući u obzir vrijeme potrebno za ponovnu organizaciju rada i nastavak radova.

U slučaju nastanka razloga produženja roka izvođenja radova izvođač je dužan Naručiocima i sufinansijerima radova, u roku od 24 /dvadesetčetiri/ sata, po nastanku razloga za produženje roka, podnijeti zahtjev za produženje roka izvođenja radova.

Produženje roka će Naručioci Sufinansijeri i izvođač radova utvrditi u pismenom obliku, u roku od 48 /četrdesetosam/ sati, od dana podnošenja zahtjeva za produženje roka.

Izvođač radova se obavezuje da za svaki dan prekoračenja ugovorenog roka, ako rok nije u skladu sa odobrenom dinamikom, plati Naručiocu na ime ugovorene kazne 0,2% ugovorene cijene, iz člana 2. Ugovora, a maksimalno 5%.

Član 12.

U slučaju nekvalitetnog ili nepravovremenog izvršenja ugovorenih obaveza, izvođač je obavezan Naručiocima i sufinansijerima nadoknaditi nastalu štetu.

Član 13.

Garantni rok izvedenih radova iznosi 24 /dvadesetčetiri/ mjeseca, računajući od dana okončanja i primopredaje radova, što će se konstatovati zapisnikom o konačnom obračunu i primopredaji radova.

U slučaju pojave nedostataka nastalih izvedenim radovima, u toku garantnog perioda, izvođač je dužan odazvati se pozivu investitora i pristupiti otklanjanju nedostataka odmah, a najkasnije u roku od 3 /tri/ dana od dana prijema poziva.

U suprotnom Naručioci i sufinansijeri će podnijeti zahtjev za protest garancije za dobro izvršenje posla, odnosno безусловnu naplatu shodno odredbama Zakona o obligacionim odnosima, ukoliko Izvođač ne postupi po pozivu investitora u roku važenja garancije za doboro izvršenje posla.

Član 14.

Garancija za uredno izvršenje ugovora iznosi 10% planirane vrijednosti ugovora.

Garanciju za uredno izvršenje ugovora odabrani ponuđač dužan je dostaviti uz okončanu situaciju, u formi bezuslovne bankovne garancije, sa rokom važnosti od 24 mjeseca, računajući od dana okončanja i primopredaje predmetnih radova.

Ukoliko odabrani ponuđač propusti dostaviti predmetnu garanciju uz okončanu situaciju, istom neće biti plaćen iskazani iznos finansijskih sredstava u okončanoj situaciji.

Ukoliko ne nastupi ni jedan od slučajeva koji bi zahtijevali realizaciju garancije za dobro izvršenje posla Naručioci i sufinansijeri će izvršiti povrat garancije za dobro izvršenje posla na zahtjev Izvršioca u roku od deset dana od podnošenja zahtjeva, a nakon isteka roka važnosti. Pokriće iz bankarske garancije ne oslobađa Izvršioca od odgovornosti sve do namirenja stvarne štete.

Član 15.

Naručioci i sufinansijeri imaju pravo jednostrano raskinuti ovaj Ugovor ako Izvođač radova napusti radove ili na drugi način svojim postupcima pokaže da ne namjerava nastaviti sa ispunjenjem svojih obaveza prema Ugovoru, te u slučajevima stečaja, likvidacije i nesolventnosti Izvođača radova.

Član 16.

Ugovorne strane su saglasne da Izvođač radova neće zapošljavati fizičke i/ili pravne osobe koje su sudjelovale u pripremi tenderske dokumentacije i /ili su bile član Komisije za javne nabavke Kupca ili su u svojstvu stručnog lica bile angažirane od strane Komisije za javne nabavke Kupca, prilikom dodjele ovog Sporazuma.

Član 17.

Sve sporove, nastale izvršenjem ovog ugovora, ugovorne strane će nastojati riješiti sporazumno, u suprotnom spor će rješavati nadležni sud u Sarajevu.

Član 18.

Za sve što nije regulisano ovim ugovorom važe odredbe Zakona o obligacionim odnosima.

Član 19.

Ovaj ugovor stupa na snagu danom popisivanja od strane ugovornih strana

Član 20.

Ovaj ugovor sačinjen je u 6 /šest/ istovjetnih primjeraka, od kojih svakoj ugovornoj strani pripadaju po 3 /tri/ primjerka ugovora.

Za Izvođača radova:

Prokurist

Elma Ferhatović

SARAJEVO



Za Naručioca i sufinansijera

DIREKCIJA ZA PUTEVE KS

DIREKTOR

Bilješka
Datum 01.11.2021

Datum

01.11.2021



Broj: 04-11-39786

Datum 20.10.2021

Za naručioca i sufinansijera

OPĆINU HADŽIĆI

OPĆINSKI NAČELNIK

Broj: 08-11-8-6995-12/21

Datum: 22.10.2021. godine